



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

Anno Vigesimoprimo.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

quoscumque Judices Ordinarios & Delegatos, etiam Causarum Palatii Apostolici Auditores judicari, & definiti debere; ac irritum, & inane, si secus super his a quoquam quavis auctoritate, scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, nec non Provinciae, & Ordinis prædictorum, & etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, & insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 4. Volumus autem, ut earundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in judicio, quam extra illud habeatur, quæ haberetur ipsis præsentibus, si forent exhibitæ vel ostensæ.

Datum Romæ apud Sanctam Mariam Majorem sub Annulo Piscatoris die VII. Octobris MDCCXX. Pontificatus Nostri Anno Vigesimo.

CLXXXII.

Confirmatur Concordia super divisione Provinciae Insulen. Ordinis Fratrum Capuccinorum.

Const. ed. 1712. Sep. 13. P. 12. constituta fuit æqualitas inter Custodias Provinciae Turonen. Et Bened. XIII. Const. ed. 1728. Dec. 16. P. 5. erigitur Provincia Alsation.

CLEMENS PAPA XI.

Ad perpetuam rei memoriam.

Nuper pro parte dilectorum filiorum Ministri Provincialis, & Definitorum Provinciae Insulen. Ordinis Fratrum Minorum S. Francisci Capuccinorum nuncupatorum Nobis expositum fuit, quod cum eorum Provincia in locis, & Terris, in quibus maxima adest idiomatum diversitas, constituta sit, propter ejusmodi, etiam idiomatum diversitatem, populorum utilitatem, bonum Conventuum, pacem, & Religiosorum concordiam, & præsertim, ut servitio charissimi in Christo filii nostri Ludovici Francorum Regis Christianissimi provideatur, nimirum, ut tam populi, quam Religiosi in temporalibus, sicut & in Spiritualibus necessariis levamentis minime destituantur, a dilectis pariter filiis Ludovici de Jul tunc existente Definitorum generali, & Ministro Provinciali Provinciae Parisien. dicti Ordinis, ac a tunc pariter existente Carolo Maria Ministro Generali Ordinis hujusmodi, ad hoc specialiter deputatis, conventio, & transactio facta, approbata, & confirmata, & in Capitulo mense Augusti anno 1687. celebrato ab omnibus vocalibus unanimiter subscripta, & hætenus sine interruptione observata fuit, itaut Primo Provincia prædicta juxta idiomatum diversitatem in duas Custodias nimirum Gallo-Belgicam, & Flandro-belgicam dividatur eidem Ministro Provinciali subjectas. Secundo, ut Minister Provincialis ex unaquaque Custodia sit eligibilis, & unaquæque custodia duos Definidores Nationales habeat: Tertio, ut in Capitulo celebrato pro Capitulo Generali qualibet Custodia suum Custodem ad Capitulum Generale mittendum habeat, & alia prout in Decreto

Causæ divisionis Provinciae in Custodias Gallo-Belgicam, & Flandro-belgicam.

Concordia Capituli super d. divisione in Capitulo Gen. 1687. approbatæ.

confirmatorio conventionis prædictæ plenius dicitur contineri.

§. 1. Cum autem, sicut eadem expositio subjungebat nonnullis prædictam conventionem electionum utcumque libertati præjudicare, & Sacris Canonibus contrariam esse videatur, ideoque dicti Exponentes, ut bona memorata procurentur, & malis alioquin resultandis occurratur omnes, & quoscumque defectus, qui in prædicta conventionem esse possunt per Nos sanari, eademque conventionem approbari, ac ratificari, electionesque in omnibus Capitulis in posterum in prædicta Provincia celebrandis juxta conventionem hujusmodi fieri posse plurimum desiderent. Nobis propterea exponentes prædicti humiliter supplicari fecerunt, ut in præmissis opportune providere, & ut infra indulgere de benignitate Apostolica dignaremur.

§. 2. Nos igitur ipsos Exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & Interdicti, aliisque Ecclesiasticis sententiis, censuris, & pœnis a Jure, vel ab homine quavis occasione, vel causa latis, si quibus quomodolibet innodata existunt ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati de Venerabilium fratrum nostrorum S. R. E. Cardinalium negotiis, & Consultationibus Episcoporum, & Regularium præpositorum, qui relationem dilecti pariter filii moderni Procuratoris Generalis Ordinis hujusmodi super præmissis ad eosdem Cardinales transmissam viderunt consilio memoratam conventionem auctoritate Apostolica tenore præsentium approbamus, ratificamus, & qualemcumque defectum forsan in ea incursum itidem sanamus. Præterea permitimus juxta petita, ut deinceps electiones in omnibus Capitulis in prædicta Provincia celebrandis ad instar ejusdem Conventionis fiant.

§. 3. Decernentes easdem presentes literas firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & Ordinationibus Apostolicis, nec non quatenus opus sit Provinciae, & Ordinis hujusmodi, etiam Juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores, præsentibus pro plene, & sufficienter expressis & ad verbum insertis habentes illis alias in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub annulo Piscatoris die XI. Januarii MDCCXXI. Pontificatus nostri Anno Vigesimo primo.

Confirmantur Privilegia & indulta a Romanis Pontificibus Universitati Studii Generalis, & Collegio Doctorum Urbini concessa, cum nonnullis illorum declarationibus.

Preces Ministri, & Definitorum Provincialium.

Confirmatio recentis concordia.

Clausula.

CLXXXIII.



H. m. Privilegia & Indulta hic recensentur in Constitutionibus Jul. II. ed. 1507. Feb. 17. P. 5. Pii IV. Const. ed. 1563. Feb. 16. P. 5. & Const. ed. 1564. Feb. 20. P. 5. Urb. VIII. Const. ed. 1636. Jul. 8. P. 13. Et Clem. X. Const. ed. 1671. Apr. 6. P. 1. Hujus Pontificis Const. ed. 1720. Jul. 12. P. 20. extat prohibitio extrahendi libros ex publica Bibliotheca. Et Inn. XIII. Const. ed. 1721. Maii, P. 1. confirmatur præsens Constitutio.

CLEMENS EPISCOPUS,

Servus Servorum Dei. Ad perpetuam rei memoriam.

Inter multiplices, atque gravissimas sollicitudines, quas pro communi universi Christiani Gregis vigilantia nostræ divina dispositione commissi regimine, ac utilitate dies, noctesque suscipimus, illa potissimum cor nostrum vehementer pulsata, & angit, ut Populorum S. R. E. etiam in temporalibus subditorum commodis, & profpero, felicique statu paterna charitate consulamus, ac ea præsertim, per quæ literarum studia foventur, Juventus liberalibus disciplinis, & doctrinis eruditur, Juris in primis utriusque prudentia, sine qua Republica rite gubernari nequiret, addiscitur, & recta causarum forensium cognoscendarum, justitiæque administrandæ ratio custoditur, omni adhibita ope, sedulitate, & cura promoveamus. Quo quidem paterni amoris sensu, si cæteras omnes Pontificiæ Ditionis Civitates merito respicimus, dignum profecto, justumque est, ut Civitatem nostram Urbinatensem, ubi vitæ limen attingimus, ac primis literarum rudimentis imbuti fuimus, quæque omni tempore totius Urbinatensis Ducatus Princeps, & Caput extitit, & plurimos tulit, non tam bonarum artium, & mathematicarum præsertim disciplinarum laude, imo etiam militari gloria insignes, quam Ecclesiasticarum dignitatum splendore conspicuos Viros; apud quos itidem, & solida pietatis, orthodoxæque Religionis cultus, ac summa in Romanos Pontifices, & Apostolicam Sedem observantia, & studium semper enituit, propensiori quodam affectu, natura ipsa dictante, respiciamus, ac unice in Christo diligamus. Nec minus æquum arbitramur, & congruum, ut Universitatem quoque studii generalis illic Apostolica auctoritate erectam, in qua Nos olim lauream doctoralem accepimus, ac insuper Collegium J. U. Doctorum ibidem pari auctoritate institutum, unde Viri sæpenumero prodierunt doctrinæ fama celebres, illustriumque munerum ab ipsis recte gestorum merito commendati, cui Nos etiam adscriptos aliquando fuisse, non sine voluptate meminimus, paterna dilectione complectamur, gratæque voluntatis nostræ, ac simul Pontificiæ largitatis significationibus prosequamur.

§. 1. Quocirca plurium Romanorum Pontificum Prædecessorum nostrorum qui Patrias suas insignibus, maximisque beneficiis ornavunt, morem, exemplumque secuti, inter ipsa Pontificatus nostri primordia considerantes prædictam Patriam nostram dilectissimam ingenti quadraginta millium aureorum ære alieno, cui infelix superiorum temporum conditio, & publicæ necessitates causam præbuerunt, gravari, ac fere opprimi, & ob publicorum proventuum tenuitatem nedum omni profus carere spe illud unquam dissolvendi, sed etiam oneri annuorum ejus fructuum ferendo longe imparem esse; æquum proinde, muneri que nostro consentaneum duximus rationem inire, qua gravissimo huic malo occurreretur, institutoque ex pecuniis a Nobis ante aliquos annos collatis multiplico, cujus administratio a Viris ad id a Nobis

delectis summa fide, ac industria hæctenus gesta fuit, eam jam pecuniarum summam conflavimus quæ memorato æri alieno penitus extinguendo satis erit, huncque in usum quamprimum jussu nostro, benedicente Domino erogabitur.

§. 2. Præterea Metropolitanam ejusdem Civitatis Urbinatensis Ecclesiam, in qua sacris Baptistini aquis abluti fuimus, magnifico, atque prænobili Altari æneis ornamentis, antiquis minoribus, & lapidibus vericoloribus selectissimis exculto; sub quo sacrum Corpus S. Crescentini Martyris, ipsius Civitatis Protectoris, reconditum est: sex ibidem prægrandibus candelabris cum Cruce, aliisque vasis argenteis elegantissime elaboratis; multa, & sumptuosa omnis generis suppellectile in usum sacri Ministerii: geminis atalceis fragulis magni pretii, totidemque a celebrioribus ævi nostri Pictoribus delineatis, atque confectis tabulis decorari nostra pariter, & quidem maxima impensa curavimus.

§. 3. Exiguum insuper, nec præfatæ Metropolitanæ Ecclesiæ dignitati parem Beneficiorum illi inservientium numerum auximus, congruaque dote instruximus: Canonicales provenus, antea admodum tenues, certa annua quingentorum aureorum super fructibus, & redditibus quibuscumque Monasterii Sanctæ Mariæ de Claravalle nullius, seu Senogallien. Diocæsis in perpetuum assignata pensione, amplificavimus: Sacrarium in usum Canonicorum a fundamentis erexit, & congruis armariis pro sacrorum suppellectilium decenti custodia exornavimus; Archiepiscopales aedes, angustas, & collabentes refecimus, ac ampliavimus, Collegium itidem, in quo Nobiles Adolescentes tum indigenæ, tum etiam exteri, bonis artibus, honestisque moribus a doctis, piisque Magistris sedulo instituuntur, fere in medietate Civitatis a fundamentis excitavimus.

§. 4. Publicam quoque Bibliothecam in Conventu Fratrum Ordinis Minorum S. Francisci Conventualium nuncupatorum ad usum, & commoditatem eorumdem Fratrum, ac Civium, & Incolarum quorumcumque ipsius Civitatis, nec non Studioforum ad præfatam Universitatem studii generalis confluentium instituvimus, non modica pecuniarum summa in id opus erogata, præsertim in constructionem Fabricæ ejusdem Bibliothecæ, eamque non modo scriniis, seu forulis nuceo ligno decenter elaboratis, ac filo æreo reticulato munitis, verum etiam pluribus codicibus ad omnes prope scientias, & artes tum liberales, tum mechanicas spectantibus, sive per Nos emptis, sive e domestica nostra Bibliotheca extractis, ut ultra nonnullos in antiqua dicti Conventus Bibliotheca existentes, ac alios plures, quos bo. mc. Alexander Fidelis, dum viveret, Episcopus Aënius, ejusmodi nostræ in suam æque, ac nostram Patriam beneficæ voluntatis probe conscius, in suis supremis tabulis dispositioni nostræ hoc consilio reliquerat, in scriniis hujusmodi jam collocati, & congrue dispositi reperiuntur, instrui fecimus; Illisque nuper alios etiam codices, præsertim ad artem medicam pertinentes, quos quon. Joannes Maria Lancisius, dum vixit, Cubicularius, & Medicus noster secretus propenso in eandem Patriam nostram animo dictæ Bibliothecæ legaverat, addi jussimus, quin imo etiam in posterum eandem Bibliothecam aliis codicibus, seu voluminibus, dum, benedicente Domino, vita suppetet, augere intendimus, ut exinde memorati Fratres, Cives, Incolæ, & studiosi bonarum, ac præsertim sacrarum literarum laudabiliumque disciplinarum studiis commodius, ac impensis vacare, uberioreque in eis progressus facere valeant.

§. 5. Ad hæc præfatæ Patriæ nostræ moenia pluribus in locis collapsa, aut collabentia in-

Metropolitana Ecclesia prænobili Altari, sacraque suppellectili sumptuosa ditata.

Ejusdem Ecclesiæ Canonicales provenus aucti, Aedes Archiepiscopales ampliatæ, Collegium extructum.

Bibliotheca in Conventu S. Francisci ad publicum usum erecta.

Moenia Civitatis restau.

Dat. 19. Mar. 1721. An. 21.

Exordium a Pontificia sollicitudine promovendi felicem statum Locorum S. R. E. subditorum, Civitatis præsertim Urbini suæ Patriæ cujus laudes recensentur.

A Clem. XI. d. Civitas ab ære alieno fuit soluta.

1721.
rata. Duo fi-
xa loca in
Rotis Peru-
sinae & Mace-
ratae Civibus
assignata.
Mons frum-
mentarius
erectus.

Referuntur
Privilegia
Universitati,
& Collegio
Doctorum a
Pontificibus
concessa.

Epitome se-
quentis Con-
stitutionis.

Constitutio
Julii II. qua
confirmatur
erectio Col-
legii 13. Do-
ctorum, qui-
bus praescri-
bitur regula
in decidendis
causis (meris
Ecclesiasticis
exceptis) in
2. & 3. in-
stantiis.

stauravimus, ejus insuper Civibus J. U. Docto-
ribus certum, fixumque locum inter Auditores
Tribunalium, quae Rotae nuncupantur, Civita-
tum nostrarum Perusinae, & Maceratae in perpetuum assignavimus, ac non ita pridem pium
Montem frumentarium cum dote septingentorum
modiorum frumenti, qui quot annis mutuo
pauperibus dari debeant, ad hoc, ut ejus-
modi subsidio propriis necessitatibus consulere
possint, & agri praesertim culturam deserere
non cogantur, certis pro recta illius admini-
stratione sancitis legibus, creximus, atque fun-
davimus, pluribusque aliis, nec vulgaribus be-
neficiis tum eandem Patriam nostram, tum
etiam peculiare illius Cives haecenus profecti
sumus, & ad extremum usque vitae nostrae spiritum,
adjuvante Domino, profecti non desinemus.

§. 6. Nunc vero ad Universitatem Studii
generalis, & ad Collegium J. U. Doctorum in ead-
dem Urbinateni Civitate dudum, ut praesertur,
erecta Apostolicae nostrae considerationis intui-
tum convertentes, & gratum nostrum erga ipsa
animus profecti, testatumque facere cupientes
aequum in primis ducimus iis, quae a pluribus
Romanis Pontificibus Praedecessoribus Nostris
ad illorum decus, ornamentum, ac utilitatem
providere, atque sapienter constituta fuerunt,
Apostolicae nostrae confirmationis robur adiacere
aliaque desuper statuere, atque disponere quem-
admodum in Domino conspiciamus salubriter ex-
pedire.

§. 7. Cum itaque, sicut accepimus, fel. rec.
Julius II. Romanus Pontifex Praedecessor noster
institutionem praefati Collegii a q. Guido Ubal-
do Urbini Duce factam pro cognitione causarum
tam Ecclesiasticarum, quam prophanarum to-
tius Urbinateni ditionis in secunda, & tertia
instantiis (causis mere Ecclesiasticis dumtaxat
exceptis) benigne approbaverit, & confirma-
verit, ac regulam in ejusmodi causarum deci-
sione servandam praescripserit, pluraque alia in
favorem ejusdem Collegii disposuerit per suas an-
no millesimo quingentesimo septimo XII. Kalen.
Martii sub plumbo expeditas literas, quarum
tenor est, qui sequitur, videlicet:

§. 8. *Julius Episcopus Servus Servorum Dei.*
Ad perpetuam rei memoriam. Ad sacram Beati
Petri Sedem Divina dispositione sublimati, singu-
lis, quae pro personarum Nobis, & Apostolica
Sedi devotarum pace, commodo, & tranquillitate
profutura fore conspiciamus, Apostolica
providentiae sollicitudinem libenter intendimus,
& ad felicem eorum prosecutionem, & confir-
mationem, cum a Nobis petitur, opem, & ope-
ram impendimus efficaces. Sane exhibita Nobis
nuper pro parte dilectorum filiorum Nobilium Vi-
ri Guidobaldi Ducis Urbinaten., & universorum
Subditorum ejus petitio continebat, quod licet
olim fel. rec. Alexander Papa VI. Praedecessor
noster, cupiens indemnitati universorum
subditorum Ducatus Urbinaten. consulere, ip-
sum Ducatum Urbinaten., & Civitatem Seno-
gallien., illiusque districtum ab omni jurisdic-
tione Rectoris Provinciae Marchiae Anconitanae se-
gregaverit, & separaverit, ac certum Colle-
gium Doctorum, Rotam nuncupatam, in Ro-
mandiola instituerit; ad quos omnes Causae ap-
pellationum in quibuscumque causis Ecclesiasti-
cis, & prophanis devolverentur, ordinaverit,
& quod propter temporum condiciones hujus-
modi Institutio effectum sortita non fuerit; Ni-
hilominus idem Dux etiam cupiens indemnita-
tibus, & commoditatibus dictorum Subditorum
suorum providere, in Civitate Urbinaten. unum
Collegium tredecim Doctorum instituit, &
quod coram eis omnes, & singulae Causae Eccle-
siasticae, & prophanae tractarentur, & defini-
rentur, etiam ordinavit. Quare pro parte Du-
cis, & Subditorum hujusmodi, necnon etiam

dilecti filii Nobilis Viri Francisci Mariae Urbis
Praefecti Nobis fuit humiliter supplicatum, ut
institutioni, & ordinationi Collegii tredecim
in legibus, & Decretis Doctorum hujusmodi
Apostolicae confirmationis robur adiacere, alia-
que in praemissis opportune providere de beni-
gnitate Apostolica dignaremur. Nos, qui nos-
trorum, & S. R. E. Subditorum commoditati-
bus intendimus, & quantum cum Domino pos-
sumus, ipsos ab expensis, & oneribus releva-
mus, necnon praefati Ducis propositum pluri-
mum in Domino commendantes, institutionem,
& ordinationem praedictas auctoritate Apostoli-
ca tenore praesentium confirmamus, & appro-
bamus, ac quod in secunda, & tertia instantia
omnes Causae tam Ecclesiasticae, quam propha-
nae, & mixtae, ac Beneficiales (meris Ecclesia-
sticis dumtaxat exceptis) Ducatus, in Domini
temporalis praefati nunc, & pro tempore existen-
tis, tam ratione Ducatus praefati nunc, & pro
tempore existentis, quam aliorum ejus domi-
norum quorumcumque coram dicto Collegio
tredecim Doctorum, eisdem modo, & forma,
quibus coram Rectore Provinciae Marchiae
hujusmodi tractantur, tractentur, & fini-
antur. Ita tamen, quod Causae praefatae non
possint expediri, nec terminari, nisi de vo-
to, & consensu majoris partis Doctorum di-
cti Collegii, & alias sententiae latae non te-
neant, quae vota secreta, & sigillatim praes-
tare debeant, quodque etiam contingeret ali-
quem, seu aliquos ex Doctoribus dicti Colle-
gii exinde se absentare, quod per tunc praes-
entes factum, & terminatum fuerit, perinde va-
leat, ac si omnes interfuissent, dummodo ab-
sentes ultra dimidiam partem non existant; ac
etiam quod causae appellatum quarumcum-
que per Subditos praefati Ducis a quibuscumque
sententiae pro tempore interpositarum ad ipsum
Collegium interpositae sint, & esse censentur,
nisi forsitan a sententiae ipsius Collegii appellatum
fuerit, quo casu tunc ad Sedem Apostolicam
appellari valeat, eadem auctoritate statuimus,
& ordinamus, ipsosque Subditos, necnon Du-
catum, & Statum Urbinaten., ac etiam Statum
& Civitatem Senogallien. ab omni jurisdictione,
& superioritate Rectoris dictae Provinciae Mar-
chiae, necnon Bononiensi, & Perusina Legatio-
nibus prorsus eximimus, & segregamus, ac li-
beramus. Et insuper eidem Collegio, ut in cau-
sis hujusmodi decidendis, & finiendis eisdem
praerogativis, indultis, & ordinationibus utatur,
potiatur, & gaudeat, quibus dictus Rector praef-
atae Provinciae utitur, & uti consuevit, praef-
ata auctoritate concedimus; Statuta quoque, &
ordinationes per dictum Collegium in causis de-
cidendis, & terminandis edita, dummodo sint
licita, & honesta, & sacris Canonibus non ob-
viantia, dicta auctoritate confirmamus, & ap-
probamus, ipsique Collegio nova statuta, qua-
tenus sint licita, & honesta, condendi eadem
auctoritate licentiam largimur, & facultatem,
non obstantibus Apostolicis, necnon dictae Pro-
vinciae specialibus, & generalibus Constitutio-
nibus, & ordinationibus, etiam de illis, eor-
umque totis tenoribus pro illorum sufficienti
derogatione specialis, specifica, expressa, &
individua, non autem per clausulas generales
idem importantes, seu de verbo ad verbum
mentio, seu quavis alia expressio habenda foret
illorum tenores praesentibus pro expressis habentes,
illis alias in suo robore permanentibus, hac
vice dumtaxat specialiter, & expresse derogamus,
quodque Collegium hujusmodi nondum
ad numerum tredecim Doctorum devotum
est, caeterisque contrariis quibuscumque. Nul-
li ergo omnino hominum liceat hanc paginam
nostrae confirmationis, approbationis, statuti,
ordinationis, exemptionis, segregationis, libe-

Item Duca-
tus, & Status
Urbinaten. ac
Senogallien.
eximuntur a
Rectore Mar-
chiae, cujus
privilegia,
aliaque Col-
legio tribu-
untur.

rationis,

Epitome se-
quentis Con-
stitutionis.

rationis, concessionis, elargitionis, & derogationis infringere, vel ei ausu temerario contraire; si quis autem hoc attentare presumpserit, indignationem Omnipotentis Dei, ac Beatorum Petri, & Pauli Apostolorum eius se noverit incursum. Datum Romae apud S. Petrum Anno Incarnationis Dominicae Millesimo Quingentesimo septimo, duodecimo Kal. Martii Pontificatus Nostri Anno Quinto.

S. 9. Ac subinde rec. me. Pius Papa IV. etiam Praedecessor noster, postquam Urbinaten. Ecclesiam in Metropolitanam erexerat cum Archiepiscopali Dignitate, & omnimoda jurisdictione, ac superioritate, necnon illi Callien., Senogallien. Pisaren., Forosempronien., Feretran. & Engubin., Civitates, & Dioeceses (quibus postmodum fel. itidem rec. Urbanus VIII. etiam Praedecessor noster Urbanien., & S. Angeli in Vado Civitates, & Dioeceses adjecit) cum earum districtibus, & Territoriis, ac Praefules pro tempore existentes pro suffraganeis Episcopis, necnon Capitula, Clerum, & Populum Civitatum, & Dioecesium earumdem perpetuo concesserat, & assignaverat, cum orta fuisset contentio inter bo. me. Felicem tunc Archiepiscopum Urbinaten., & bo. pariter me. Julium Sancti Petri ad Vincula, dum viveret S. R. E. Cardinalem de Urbino nuncupatum, cui regressus ad dictam Ecclesiam Urbinaten. per ipsius Felicis Archiepiscopi decessum, ac in certis aliis tunc expressis eventibus auctoritate Apostolica concessus fuerat, ex una; necnon Collegium Doctorum ejusdem Civitatis ex altera partibus, super jurisdictione, seu administratione iustitiae in omnes Praefules, Clerum, & Populum Civitatum praedictarum, quam Felix Archiepiscopus & Julius Cardinalis memorati prae-textu erectionis hujusmodi ad se spectare, Collegium vero vigore literarum Julii Praedecessoris sibi concessum fuisse, & quia in dicta erectione de Privilegiis, ac Indultis ipsi Collegio, ut praemittitur, concessis nulla mentio facta extiterat, nullatenus Archiepiscopo Urbinaten. competere, nec illius jurisdictionem ad causas appellationum interponendarum a sententiis latis per Ordinarios in Foro Ecclesiastico, cum jurisdic-tio ipsa eidem Collegio prius concessa fuisset, se extendere posse asserbant, ac ad tollenda plurima scandala, quae ex ejusmodi contentione facile oriri poterunt, Julius Cardinalis, & Felix Archiepiscopus praefati, necnon dictum Collegium medio, ac opera dicti Guidobaldi tunc Ducis Urbini devenissent ad quamdam concordiam, seu transactionem, cujus vigore conventum, stabilitumque fuit, quod Collegium, & illius Doctores cederent Archiepiscopo Urbinaten. pro tempore existenti in cognoscendis, & decidendis primis appellationibus suorum Suffraganeorum venientibus a foro Ecclesiastico, ut supra, & secundas appellationes, seu tertias illarum instantias sibi reservarent, quodque omnes, qui appellarent a sententiis praefati Archiepiscopi, seu ejus Vicarii inter illius Dioecesanos videlicet in prima, vel inter Suffraganeos, aut cum Fisco suae Ecclesiae, vel aliorum Suffraganeorum in secunda instantia latis, ut supra, intelligerentur appellasse ad ipsum Collegium, Privilegiis, & Indultis Apostolicis tam Archiepiscopo, quam Collegio hujusmodi, ut praefertur, concessis quoad reliqua omnia salvis prorsus, ac illaesis; memoratus Pius Praedecessor hujusmodi concordiam, seu transactionem amplissime approbaverit, & confirmaverit per suas anno millesimo quingentesimo sexagesimo tertio, xiii. Kalend. Martii sub plumbis expeditas literas tenoris sequentis, videlicet:

Constitutio
Pii IV. in qua
refertur su-
pra-relata Ju-

S. 10. Pius Episcopus Servus Servorum Dei. Ad perpetuam rei memoriam. Ex solita Apostolicae Sedis providentia ea, quae pro bono pa-

cis, & concordiae inter Personas quascumque, ac praesertim Cardinalatus, & Pontificali Dignitate praeditas concordia terminata fuisse dicuntur, ne in recidivae contentionis scrupulum dilabatur, quaeque in iustitiae praesidentium favore, commoda, & decus per Praedecessores nostros Romanos Pontifices concessa fuisse dicuntur, ut majoris roboris firmitatem obtineant, & perpetuo illibata persistant, libenter, cum a Nobis petitur, Apostolico munimine roboramus, ac desuper disponimus, prout in Domino conspicimus salubriter expedire. Sane Nobis nuper pro parte Dilectorum Filiorum Collegii tredecim Doctorum nuncupati Urbinaten. exhibita petitio continebat, ac Dilectus Filius Julius S. Petri ad Vincula Diaconus Cardinalis de Urbino nuncupatus, ac Venerabilis Frater Felix modernus Archiepiscopus Urbinaten., & Magister Domus, nec non Praelatus Domesticus noster exposuerunt, quod alias fel. rec. Julio Papae II. Praedecessori Nostro pro parte Guidobaldi tunc Urbini Ducis, ac univerforum ejus Subditorum exposito; quod licet antea praemem. Alexander Papa VI. etiam Praedecessor noster, tunc suus, cupiens indemnitati univerforum Subditorum Ducatus Urbinaten. consulere, ipsum Ducatum Urbinaten., ac Civitatem Senogallien., illiusque districtum ab omni jurisdictione Rectoris Provinciae Marchiae Anconitanae segregavisset, ac certum Collegium Doctorum, Romam nuncupatum, in Romandiola instituisset, quodque omnes Causae appellationum in quibuscumque causis Ecclesiasticis, & prophanis devolverentur ad illud, ordinasset, & quod propter temporum conditionem institutio hujusmodi suum sortita effectum non fuisset; nihilominus idem Dux etiam cupiens indemnitatibus, & commoditatibus doctorum suorum Subditorum providere, in Civitate Urbini unum Collegium tredecim Doctorum instituerat, & quod coram eis omnes, & singulae Causae Ecclesiasticae, & prophanae tractarentur, ac definirentur, etiam ordinaverat, praefatus Julius Praedecessor, Ducis, ac Subditorum hujusmodi, nec non etiam bon. mem. Francisci Mariae tunc Almae Urbis Praefati supplicationibus inclinatus, institutionem ac ordinationem hujusmodi auctoritate Apostolica per suas literas confirmavit, & approbavit, quodque in secunda, & tertia instantis omnes Causae tam Ecclesiasticae, quam prophanae, & mixtae, & Beneficiales (mere Ecclesiasticis dumtaxat exceptis) Ducatus, & Domini praefatorum tunc, & pro tempore existentis Ducis, & Subditorum suorum hujusmodi, tunc, & pro tempore existentium tam ratione dicti Ducatus, quam aliorum ejusdem Dominiorum quorumcumque, coram dicto Collegio tredecim Doctorum, ac eidem modo, & forma, quibus coram Rectore dictae Provinciae tractabantur, tractarentur, & finirentur, ita tamen, quod causae ipsae non possent expediri, nec terminari, nisi de voto, & consensu majoris partis Doctorum Collegii hujusmodi, alias sententiae latae non tenerent, quae vota sigillatim, & secrete praestari deberent, quodque, etiam si contingeret aliquem, seu aliquos ex Doctoribus praefati Collegii ab eo se absentare, id quod per tunc praesentes factum, ac determinatum foret, perinde valeret, ac si omnes interfuisent, dummodo absentes ultra dimidiam partem non existerent; ac etiam quod Causae appellationum per Subditos praefati Ducis a quibuscumque sententiis pro tempore interpositarum ad ipsum Collegium interpositae essent, & censerentur, nisi forsitan a sententiis ipsius Collegii appellatum foret, quo casu tunc ad Sedem Apostolicam appellari posset, dicta auctoritate statuit, & ordinavit, ipsosque Subditos, necnon Ducatum, & Statum Urbinaten.,

1721.

1721.

Item erectio
Ecclesie Ur-
binaten. in
Metropolita-
nam a S. Sua
facta.

Necnon lis
inde orta in-
ter Archie-
piscopum, &
Collegium
quoad cogni-
tionem cau-
saram.

Et concor-
tia inter eos
libita.

ac dictam Civitatem, & etiam Statum Senogallien. ab omni jurisdictione, & superioritate Rectoris dictae Provinciae Marchiae, necnon Bononien., & Perusin. Legationibus prorsus exemptis, & segregavit, ac liberavit. Et insuper eidem Collegio, quod in Causis hujusmodi decidendis, & finiendis eisdem prerogativis, Indultis, ac ordinationibus uteretur, potiretur, & gauderet, quibus praefatus Rector Provinciae hujusmodi utebatur, ac uti consueverat, praefata autoritate concessit; Statuta quoque, & Ordinationes per dictum Collegium in causis hujusmodi decidendis, & terminandis edita, eadem autoritate approbavit, & confirmavit; necnon ipsi Collegio nova statuta condendi licentiam, & facultatem elargitus fuit, prout in ipsis Julii Praedecessoris literis desuper confectis plenius dicitur contineri; Et deinde, sicut eadem expositio Nobis facta subjungebatur, postquam Nos dudum ex certis rationabilibus causis Ecclesiam Urbinat., cui etiam tunc praefatus Felix tunc Episcopus Urbinat. praerat, in Metropolitana Ecclesia cum Archiepiscopali Dignitate, ac omnimoda jurisdictione, & superioritate per alias nostras literas perpetuo exeramus, necnon illi Callien., Senogallien., Pifauren., Forosempronien., Feretran., & Eugubin. Civitates, & Dioeceses in Ducatu, & Dominio praefatis consistentes cum illarum districtibus, Territoriis, ac Praefules pro tempore existentes pro suffraganeis Episcopis, necnon Capitula, Clerum, & Populum Civitatum, & Dioecesium earundem etiam perpetuo concesseramus, & assignaveramus, ipsosque Praefules, Clerum, & Populum, quoad omnia Metropolitana, & Archiepiscopalia superioritatem, jurisdictionem, ac jura pro tempore existenti Archiepiscopo Urbinat. subiectos fore, & tamquam membra Capiti obsequentes, per eos de Archiepiscopalibus juribus responderunt volueramus, prout in eisdem literis nostris etiam latius continentur: Orta contentione, & controversia inter Felicem Archiepiscopum, & Collegium Urbinat., necnon etiam Julium Cardinalem praefatos, cui regressus ad dictam Ecclesiam Urbinat. per ipsius Felicis Archiepiscopi decessum, ac forsitan in certos alios tunc expressos eventus, autoritate praedicta concessus extitit, super jurisdictione, seu administratione justitiae in omnes Praefules, Clerum, & Populum Civitatum hujusmodi, quam Archiepiscopus, & Julius Cardinalis praetextu erectionis ad se spectare; Collegium vero vigore literarum Julii Praedecessoris hujusmodi sibi concessam fuisse; Et quia in dicta erectione de Privilegiis, & indultis ipsi Collegio, ut praemittitur, concessis nulla mentio facta extiterat, nullatenus Archiepiscopo Urbinat. praefato competere, nec jurisdictionem praefati Archiepiscopi ad causas appellationum interponere. per Suffraganeos illius a sententis latis per Ordinarios in Foro Ecclesiastico, cum jurisdictione ipsa eidem Collegio concessa prius extitisset, se extendere ostendi posse asseverabant. Cumque ex hac contentione scandala plurima oriri posse dubitarent, Julius Cardinalis, & Felix Archiepiscopus praefati volentes, ut bonos decet Praefules, fomenta disensionum, & scandalorum, quae inter ipsos, & Collegium hujusmodi occasione Jurisdictionis praefata de facili suscitari possent, propter concursum, & studium praeveniendi, in totum tollere, & extirpare tam eorum propriis, quam Successorum suorum Archiepiscoporum Urbinat. nominibus infrascriptum cum dicto Collegio inierunt concordiam, & conventionem, medio, & opera Dilecti Filii Nobilis Viri Guidobaldi moderni Ducis Urbini, videlicet: Quod Collegium, & illius Doctores cederent Archiepiscopo Urbinat. pro tempore existenti in cognoscendis, & deci-

dendis primis appellationibus suorum Suffraganeorum venientibus a foro Ecclesiastico, ut supra, & secundas appellationes, seu tertias illarum instantias sibi reservarent; quodque omnes, qui appellarent a sententis praefati Archiepiscopi, seu ejus Vicarii inter ejus Dioeceseos, videlicet in prima, vel inter Suffraganeos, aut cum Fisco suae Ecclesiae, vel aliorum Suffraganeorum in secunda instantiis latis, ut supra, intelligerentur appellasse ad ipsum Collegium, privilegiis, indultis, & concessionibus Apostolicis, tam Archiepiscopo, quam Collegio hujusmodi, ut praemittitur, concessis, & factis, quoad reliqua omnia salvis, & illaesis, ac in suo pleno robore permanentibus, necnon forsitan alias Partes ipsae verbo, vel in scriptis conveniunt, pepigerunt, & concordarunt, ut conventio, & concordia, necnon pactio hujusmodi eorum successores praefatos adstringerent, & obligarent, illa omnia supra scripta approbati, & confirmari voluerunt. Quare Julius Cardinalis, & Felix Archiepiscopus, ac Collegium, necnon Guidobaldus Dux praefati Nobis humiliter supplicarunt, ut conventioni, & concordiae, ac sine illarum praedictarum, & laesione, statutis, ordinationibus, exemptionibus, segregationibus, liberationibus, concessionibus, confirmationibus Praedecessoris hujusmodi pro illarum subsistentia firmiori robur Apostolicae firmitatis adiacere, aliaque in praemissis opportuna providere de benignitate Apostolica dignemur. Nos igitur, qui singulorum, ac praesertim Venerab. Fratrum nostrorum S. R. E. Cardinalium, & Praelatorum Domesticorum Urbis, prout possumus, libenter annuimus, veniores dictae concordiae, & conventionis, necnon Statutorum, Ordinationum, exemptionis, segregationis, liberationis, concessionis, & confirmationis praedictarum tenores praesentibus pro expressis habentes, hujusmodi supplicationibus inclinati, conventionem, & concordiam praefatas, etiam si in scriptis non extant, sed verbis dumtaxat initae sint, ac sine earum praedictarum, & laesione, statuta, ordinationes, exemptionem, segregationem, liberationem, concessionem, & confirmationem, necnon literas Julii Praedecessoris hujusmodi, & prout illas concernunt, omnia, & singula in eisdem concordia, & literis Julii Praedecessoris contenta, ac exinde secuta quaecumque Apostolica autoritate tenore praesentium approbamus, & confirmamus, necnon eis plenum robur firmitatis adiacimus, omnesque, & singulos juris, & facti defectus, si qui forsitan inter venerint, in eisdem supplementis, necnon illa valida, & efficacia fore, & esse, ac per eosdem praemissos, & alios, ad quos spectat, & spectabit in futurum, observari debere, nec ab illis ullo umquam tempore resiliere posse, sed modernum Archiepiscopum, & Successores suos, ac Collegium praefatos ad illorum totalem observationem teneri, & obligatos fore, necnon quibusvis juris, & facti opportunis remediis ad id cogi, & constringi posse. Et ita per quoscumque Judices, & Commissarios quavis autoritate fungentes, sublata eis, & eorum cuilibet quavis aliter judicandi, & interpretandi facultate, & autoritate, judicari, & definiri debere; necnon ex tunc, si secus super iis a quoquam quavis autoritate scienter, vel ignoranter attentari contigerit, irritum, & inane decernimus, & declaramus; Non obstantibus Constitutionibus, & Ordinationibus Apostolicis, ac dictae Ecclesiae Urbinat. juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, ac Literis Apostolicis eisdem Archiepiscopo, & Collegio, ac quibusvis aliis quomodolibet, etiam motu simili concessis, approbatis, & innovatis; Quibus omnibus, etiam si

Quae a Pon-
tificis confir-
matur.

pro

pro illorum sufficienti derogatione de illis, eorumque totis tenoribus, & formis specialis, specifica, expressa, & individua mentio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata, inferri forent, presentibus pro sufficienter expressis habentes, illis alias in suo robore permaneris, hac vice dumtaxat specialiter, & expresse derogamus, ceterisque contrariis quibuscumque. Nulli ergo omnino hominum liceat hanc paginam nostrae approbationis, confirmationis, adjectionis, suppletionis, decreti, declarationis, & derogationis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, & Beatorum Petri, & Pauli Apostolorum ejus se noverit incursum. Datum Romae apud S. Petrum Anno Incarnationis Dominicae millesimo quingentesimo sexagesimo tertio, tertiodecimo Kal. Martii, Pontificatus Nostri Anno Quinto.

Epitome sequentis Constitutionis.

§. 11. Postmodum vero idem Pius Papa IV. antedictum Collegium Doctorum amplioribus privilegiis, & gratis ornare volens, duos singulis annis in Poesi doctos poetica laurea decorandi: necnon eos, quos praevio diligenti examine idoneos, ac sufficientes comperisset, ad Doctoratus in Jure tam Canonico, quam Civili, & Bachalureatus, Licentiatu, ac Magisterii in Medicina, vel alia licita facultate gradus promovendi; Notarios itidem publicos, seu Tabelliones, & Judices Ordinarios, praevio simili examine, idoneos repertos creandi: Nothos etiam, spurios, incestuosos, manseros, & ex quocumque illicito coitu procreatos legitimandi, & ad primava naturae jura, perinde ac si de legitimo matrimonio nati essent, restituendi: Nobiles insuper, seu etiam Milites, & Equites deauratos faciendi, & constituendi, ampliam praefato Collegio licentiam, facultatem, & auctoritatem concesserit, ac indulserit suis anno millesimo quingentesimo sexagesimo quarto, nono Kal. Martii in simili forma expeditis literis, quarum tenor est, qui sequitur, videlicet.

Constitutio altera Pii IV. qua Collegio tribuitur facultas.

§. 12. Pius Episcopus Servus Servorum Dei. Ad perpetuam rei memoriam. Sedes Apostolica gratiarum abundantissima mater, ac illarum solertissima dispensatrix, Doctorum hominum Collegiis amplas facultates interdum tribuere consuevit, ad hoc, ut ejus munera per multorum peritorum maturam deliberationem, & prudentium iudicium, nonnisi Personis benemeritis conferantur, ac distribuuntur. Hinc est, quod Nos, qui accepimus olim cla. mem. Guidobaldum Urbini Ducem commoditatibus, & indemnitatibus universorum Subditorum suorum providere cupientem, in Civitate Urbini unum Collegium tredecim Doctorum forsitan nuncupatum, coram quibus omnes, & singulae totius Ducatus, ac Domini pro tempore existentis Urbinaten. Ducis, & Subditorum praefatorum Causae Ecclesiasticae, & prophanae, necnon etiam mixtae tractarentur, & definirentur, instituisse, illudque per sel. rec. Julium PP. II. Praedecessorem nostrum, ac etiam per nos, & forsitan alios Romanos Pontifices etiam Praedecessores Nostros approbatum, & confirmatum extitisse, ac illi nonnulla privilegia, concessionis, & indulta, quibus ipsi Doctores circa definitiones, & expeditiones Causarum uti deberent, auctoritate Apostolica concessa fuisse, idem Collegium, ejusque Doctores amplioribus favoribus, & gratis prosequi, ac decorare volentes, motu proprio, non ad alicujus Nobis pro eis desuper oblatae petitionis instantiam, sed de nostra mera liberalitate Collegio, & Doctoribus hujusmodi nunc, & pro tempore existentibus ad instar nonnullorum aliorum Italiae Collegiorum, in perpetuum duos singulis annis in poesi doctos poetica

Decorandi duos quotannis poetica laurea, & ido-

laurea decorandi, & insigniendi, necnon eos, quos in Jure Canonico, & Civili, seu altero eorum studuisse, in eisque, seu eorum altero per diligentem examinationem scientia, & moribus idoneos, ac sufficientes esse invenerint, in utroque, seu altero jurium hujusmodi, aut medicina, vel alia licita facultate studuisse, & similiter per diligentem examinationem duorum, vel trium per eos eligendorum Doctorum, seu Magistrorum, vel Licentiarum facultatis, in qua studuerint, coram eis habendam, ac fidelem Magistrorum, seu Doctorum eorundem attestationem, medio juramento eis faciendam peritos, ac scientia, & moribus ad hoc idoneos, sufficientesque esse repererint, de eorundem Doctorum, seu Magistrorum, vel Licentiarum consilio, & assensu, ac eorum votis juratis in artibus, aut medicina, vel alia licita facultate hujusmodi ad Bachalureatus, Licentiatu, Doctoratus, & Magisterii gradus promovendi, ac in eis legendi, disputandi, & interpretandi, necnon alios actus ad personas in hujusmodi gradibus constitutas quomodolibet pertinentes faciendi, auctoritatem concedendi, & ipsorum graduum solita insignia eis exhibendi, necnon eos, quos ad hoc idoneos, & fideles, ac in literatura sufficientes esse repererint, in Notarios publicos, seu Tabelliones, & Judices Ordinarios, recepto prius ab eis, juxta formam presentibus annotatam, solito juramento, creandi, ac de Notariatus, & Tabellionatus, ac Judicatus officii hujusmodi per pennam, & calamare, ut moris est, investiendi; Necnon Nothos, Bastardos, naturales, spurios, incestuosos, & manseros copulative, vel disjunctive ex quocumque illicito coitu procreatos, tam praesentes, quam absentes, viventibus, seu etiam mortuis eorum Parentibus; itaut ad paternam, & alias successiones bonorum quorumcumque suorum Agnatorum, Cognatorum, & Attinentium, sine praedictio tamen venientium ab intestato, admitti, & in illis succedere; Necnon ad honores, dignitates, status, gradus, & officia secularia publica, & privata quaecumque recipi, & admitti, illaque gerere, & exercere libere, & licite possint, & valeant, ac si de legitimo matrimonio procreati essent, servata tamen forma literarum nostrarum desuper editarum legitimandi, ac ad primava, ac legitima naturae jura, & quoslibet actus legitimos restituendi, & reducendi; Necnon Nobiles, seu etiam Milites, vel etiam Equites deauratos, ut pro fide, justitia, & Religione pugnent, hortandi, faciendi, creandi, & constituendi, eisque insignia, & arma in similibus dari solita, dandi, & concedendi, necnon ipsos nobilitatis equestribus insigniis decorandi, dicta auctoritate tenore presentium licentiam, facultatem, & auctoritatem concedimus, & indulgemus, non obstantibus quibusvis Apostolicis, ac in provincialibus, & synodalibus Conciliis editis generalibus, vel specialibus Constitutionibus, & Ordinationibus, necnon legibus Imperialibus, ac statutis, & consuetudinibus, etiam municipalibus Civitatum, & locorum, in quibus ipsi legitimandi fuerint, juramento, confirmatione Apostolica, vel quavis firmitate alia roboratis, illis praesertim, quibus caveri dicitur expresse, quod Naturales, & Bastardi legitimari non possint, nisi de consensu legitimorum, & naturalium, necnon quibusvis Cancellariae Apostolicae regulis per Nos, & Sedem eandem in contrarium habitenus editis, & in posterum edendis, ac privilegiis, indultis, & Literis Apostolicis, etiam quibusvis Universitatibus, studiorum generalium Collegiis, & quibusvis aliis locis, etiam motu simili, & ex certa scientia, ac de Apostolicae potestatis plenitudine, etiam de consilio ejusdem Romanae Ecclesiae Cardinalium concessis, & confirmatis, ac in posterum concedendis,

heos promovendi ad gradus Doctoratus, & Licentiatu.

Item creandi Notarios, & legitimandi spurios.

Necnon Nobiles, Milites, & Equites deauratos constituendi.

& confir-

Præscribitur
que Formula
juramenti a
Notariis præ-
standi.

& confirmandis; Quibus omnibus, & singulis etiam si pro illorum sufficienti derogatione, de illis, eorumque totis tenoribus, & formis specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut alia exquisita forma ad hoc servanda foret, tenores hujusmodi, ac si de verbo ad verbum inserti forent, præsentibus pro sufficienter expressis habentes, illis alias in suo robore permanfuris, hac vice dumtaxat specialiter, & expresse derogamus cæterisque contrariis quibuscumque. Forma autem juramenti, quod Notarii, Tabelliones, & Judices per ipsos Collegium, & Doctores, ut præfertur, creandi hujusmodi præstabunt, talis est. Ego N. de N. Clericus N. ab hac hora in antea fidelis ero Beato Petro, & S. R. E. ac Domino meo Pio Papæ IV. & Successoribus suis canonice intrantibus, non ero in consilio, auxilio, consensu, vel facto, ut vitam perdant, aut membrum, vel capiantur mala captione. Consilium, quod mihi per se, vel literas, aut Nuncium manifestabunt, ad eorum damnum scienter nemini pandam, si vero ad meam notitiam aliquid devenire contingat, quod in periculum Romani Pontificis, aut Ecclesiæ Romanæ vergeret, seu grave damnum, illud pro posse impediam, & si hoc impedire non possem procurabo bona fide id ad notitiam Domini Papæ perferri; Papatum Romanum, & Regalia S. Petri, ac jura ipsius Ecclesiæ specialiter, si qua eadem Ecclesiæ in Civitate, vel terra, de qua sum oriundus, habeat, adiutor eis ero ad defendendum, & detinendum, seu recuperandum contra omnes homines; Tabellionatus officium fideliter exercebo, contractus in quibus exigitur consensus Partium, fideliter faciam, nil addendo, vel minuendo sine voluntate Partium, quod substantiam contractus immutet; si vero in consiciendo aliquid Instrumentum unius solius Partis sit requirenda voluntas, hoc ipsum faciam, ut scilicet nil addam, vel minuam, quod immutet facti substantiam contra voluntatem ipsius; Instrumentum non consiciam de aliquo contractu, in quo sciam intervenire, seu intercedere vim, vel fraudem; contractus in Protocollo redigam, & postquam in Protocollo redegero, malitiose non differam contra voluntatem illorum, vel illius, quorum, seu cujus est contractus, super eo publicum conscribere Instrumentum, salvo meo debito, & consueto salario. Sic me Deus adjuvet, & hæc Sancta Dei Evangelia. Nulli ergo omnino liceat hanc paginam nostræ concessionis, Indulti, & derogationis infringere, vel ei ausu temerario contraire; Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romæ apud S. Petrum Anno Incarnationis Dominicæ Millesimo quingentesimo sexagesimo quarto, nono Kal. Martii Pontificatus nostri Anno Quinto.

Epitome sequentis Constitutionis.

§. 13. Deinde memoratus Urbanus VIII. Prædecessor noster, ne dubitari contingeret, an ejusmodi Privilegia a Julio II. & Pio IV. concessa præfato Collegio per obitum q. Francisci Mariæ ultimi Ducis Urbini, & devolutionem illius Ducatus ad Sedem Apostolicam adhuc durarent, vel exspirassent, ipsi Collegio facultatem, ac auctoritatem cognoscendi, & judicandi causas appellationum tam Ecclesiasticas, quam Laicales omnium, & quorumcumque Judicum Ducatus, & Legationis Urbinate. (exceptis tamen Beneficialibus, ac iis, quæ juxta dispositionem Concilii Tridentini, vel alias de jure essent inappellabiles) in secundis seu tertiis instantiis, ac in omnibus illis, in quibus daretur appellatio, postquam judicata fuissent a Judicibus ordinariis appellationum, ubi existerent, & nonnullis ad-

jectis declarationibus, & dispositionibus tam circa electionem, & numerum Doctorum votantium, & supranumerariorum ejusdem Collegii, quam circa modum ab ipsis in ejusmodi Causarum decisione servandum, concesserit, ac impertitus fuerit; præterea expresse decreverit, ac disposuerit, ut in præmissis causis appellationum tam Ecclesiasticis, quam laicalibus ad Collegium spectantibus appellari non posset *omisso medio*, & si appellari contingeret, nullus Judex se ingerere deberet, nisi in vim specialis commissionis Romani Pontificis pro tempore existentis manu signatæ; alias licitum esset eidem Collegio ad ulteriora procedere, non obstante quacumque inhibitione, & absque alicujus pœnæ incurso, ipsumque Collegium reassumere, inhibere, & exequi posset, prout de jure, ac ubi Collegium judicasset in casu, quo dari deberet appellatio, tunc ejus cognitio, seu commissio ad existentem pro tempore in eisdem partibus Apostolicæ Sedis Legatum, pertineret; ac insuper eidem Collegio statuta super modo cognoscendi causas, & pro felici ipsius gubernio necessaria, & opportuna condendi, & quoties sibi videretur, immutandi, ac innovandi, salva tamen semper approbatione d. Legati, sive ejus Vice-Legati facultatem pariter concesserit, ac indulserit; necnon doctorandi, & alia privilegia eidem Collegio competentia, dummodo essent in usu, & non essent revocata, neque sub aliquibus revocationibus comprehensa, & sacris Canonibus, Concilii Tridentini decretis, Constitutionibusque Apostolicis non adversarentur, approbaverit, & confirmaverit per suas in forma Brevis die octava Julii anno millesimo sexcentesimo trigesimo sexto expeditas literas tenoris sequentis, videlicet.

§. 14. *Urbanus Papa VIII. ad perpetuam rei memoriam.* Cum sicut pro parte dilectorum Filiorum Communitatis, & hominum Civitatis nostræ Urbinate. necnon Collegialium Collegii Doctorum ejusdem Civitatis Nobis nuper expositum fuit, Collegium præfatum, in quo admittuntur omnes ii, qui ex Patre Civis nati ad Doctoratus gradum Urbini promoventur, prætextu literarum fel. rec. Julii II. super erectione dicti Collegii, & Pii IV. Romanorum Pontificum Prædecessorum nostrorum super confirmatione certæ concordia inter eosdem Doctores, & tunc existentem Archiepiscopum Urbinate. super causarum cognitione in prima, secunda, & tertia instantiis inite emanatæ facultatem judicandi in causis appellationum tam in foro sæculari, quam Ecclesiastico Status ac Ducatus Urbini, aliarumque Civitatum, Terrarum, & Locorum per obitum q. Francisci Mariæ ultimi Ducis Urbini ad Sedem Apostolicam devolutorum, & nostro incorporationis Decreto comprehensorum sibi competere prætendant; Nos ejusdem Civitatis Communitatem, & homines, necnon Doctores præfatos ob præcipuum, quo illos complectimur, paternæ charitatis effectum specialibus favoribus, & gratis prosequi volentes, & eorum singulares personas, a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure vel ab homine quavis occasione, vel causa latis, si quibus quomodolibet innodatæ existant, ad effectum præsentium dumtaxat consequen. harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, ne dubitari contingat, an dicta privilegia Julii II., & Pii IV. adhuc durent, vel exspiraverint per mortem dicti ultimi Ducis, tredecim ejusdem Collegii Doctoribus, ut infra, eligendis, & pro tempore existentibus facultatem de cætero judicandi in causis appellationum status præfati, aliarumque Civitatum,

Constitutio Urban. VIII. qua non obstante devolutione status Urbini ad S. Sedem, de novo conceditur Collegio.

Facultas decidendi causas, sed beneficialibus exceptis & juxta novam regulam quoad numerum vo-

Ter-

tantum, eorum qualitate, & modum ferendi votum, nec non cum aliqua subjectione Legato Apostolico.

Ferrarum, & Locorum supranarratorum, tam in foro Sæculari, quam Ecclesiastico auctoritate Apostolica tenore præsentium concedimus, & impertimur; ita tamen, quod ex dicto Collegio DD. tredecim Votantes, & quatuor, vel quinque Supranumerarii, si opus fuerit, eligantur qui eorumdem Votantium, si abuerint, vel si suspecti allegati fuerint, vices in iudicando supplere valeant, sed existente necessario votantium numero, ut infra dicitur, a dando, vel ferendo voto se abstinere debeant, nec iudicare possint. Porro tam Votantium, quam Supranumerariorum electio pro prima vice dilecto Filio nostro Francisco S. Laurentii in Damaso Diacono Cardinali Barberino nuncupato S. R. E. Vicecancellario, nostro secundum carnem ex Fratrem germano nepoti, & in Statu, ac Ducatu Urbini & præfatis aliis Terris, & Locis huiusmodi nostro, & Apostolicæ Sedis de Latere Legato reservata sit, & censeatur; de cætero autem deficiente aliquo ex supradictis, tres a præfato Collegio Doctores nominabuntur, quorum unus ab ipso Francisco Cardinali moderno, seu pro tempore existente Legato, vel ab hac Sede eligetur. Inter hos tredecim Doctores Votantes, quinque ad minus erunt Ecclesiastici non uxorati sed incedentes in habitu, & tonsura Clericalibus, ad quos solos dumtaxat caufarum Ecclesiasticarum cognitio pertinebit, in quibus Laici se alias ingerere non valeant, nec possint, quam in dando eorum voto consultivo. In causis vero laicalibus ipsi votum dabunt, & ferent promiscue cum Laicis, & eas, prout juris erit, terminabunt, non tamen votis secretis, sicut in præfatis Julii II. Prædecessoris nostri literis concessum fuit, sed votis apertis, & in iure fundatis, & sententiæ ad minus in causis Ecclesiasticis a Iudice, seu Ponente subscribentur, non obstante stylo in contrarium faciente. Habebit Collegium mediante distinctione præfata auctoritatem cognoscendi causas appellationum tam Ecclesiasticas, quam Laicales omnium, & quorumcumque Iudicium Legationis supradictæ, exceptis tamen beneficialibus, & iis, quæ juxta dispositionem Sacri Concilii Tridentini, vel alias de iure sunt inappellabiles, in secundis, seu tertiis instantiis, & in omnibus illis, in quibus dabitur appellatio postquam iudicata fuerint a Iudicibus ordinariis appellationum, ubi dicti Iudices appellationum existunt, quibus nullum censeatur illatum præiudicium; Verum in causis Ecclesiasticis pro earum definitione ad minus tres Iudices, & in Laicis ad minus quinque interveniant, & in illorum defectu, ut præfertur, supplebunt Supranumerarii, & etiam in eorum defectu, poterunt subrogari alii Iudices ad electionem, & de consensu partium, dummodo in causis Ecclesiasticis pro earum definitione semper sint Iudices Ecclesiastici. In causis appellationum spectantibus, ut supra est, ad Collegium, tam Ecclesiasticis, quam Laicalibus appellari non possit, *omisso medio*, & si appellari contigerit, in iis nullus Iudex se ingerere debeat nisi in vim commissionis expressæ, manu nostra signatæ; alias licitum sit eidem Collegio ad ulteriora procedere, non obstante quacumque inhibitione, & absque alicujus pænæ incurfu, ipsumque Collegium reassumere, inhibere, & exequi possit, prout juris erit. Ubi vero Collegium iudicaverit, in casu quo dari debeat appellatio, ejus cognitio, seu commissio ad dictum Legatum spectabit. Præterea eidem Collegio statuta super modo cognoscendi causas, & pro felici ipsius gubernio necessaria, & opportuna condendi, illaque toties, & quoties sibi videbitur, & placuerit, alterandi, immutandi, & innovandi, salva tamen semper approbatione dicti Legati, sive ejus Vicelegati, facultatem concedimus, & impertimur; necnon doctoran-

di, & alia privilegia eidem Collegio competentia, dummodo sint in usu, nec sint revocata, neque sub aliquibus revocationibus comprehensa, sacrisque Canonibus, & Concilii Tridentini decretis, constitutionibusque Apostolicis non adversentur, auctoritate, & tenore præsentium approbamus, & confirmamus, illisque inviolabilis Apostolicæ firmitatis robur adjicimus. Decernentes præsentibus literas validas, firmas, & efficaces esse, & fore, suosque plenarios, & integros effectus fortiri, & obtinere, dictoque Collegio in omnibus, & per omnia plenissime suffragari, sicque per quoscumque Iudices Ordinarios, & Delegatos, etiam caufarum Palatii Apostolici Auditores iudicari, & definiti debere, & irritum, & inane, si secus super iis a quoquam quavis auctoritate scienter, vel ignoranter contigerit attentari; non obstantibus quibusvis Constitutionibus, & Ordinationibus Apostolicis; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro sufficienter expressis habentes, illis alias in suo robore permanens, hac vice dumtaxat specialiter, & expresse derogamus, ceterisque contrariis quibuscumque. Datum Romæ apud S. Mariam Majorem sub annulo Piscatoris die VIII. Julii MDCXXXVI. Pontificatus nostri Anno Decimotertio.

§. 15. Postremo similis memoriæ Clemens X. etiam Prædecessor noster ex publico Studio prolectionibus Sacrorum Canonum, & Legum Civilium, ac aliarum scientiarum, seu facultatum, & præsertim mathematicarum disciplinarum in prædicta Urbinatensi Civitate olim instituto, necnon ex præfato Doctorum Collegio, recentiorum opera inter se unitis, & conjunctis, unam Universitatem Studii generalis, in qua Sacra Theologia, Jus Canonicum, & Leges Civiles, Philosophia, Mathematica, aliaque ingenue disciplinæ, scientiæ, & artes publice docerentur, ac perlegerentur, & qui peracto studiorum curriculo idonei reperti fuissent, ad Baccalaureatus, Magisterii, Doctoratus, aliosque gradus scholasticos, servata in omnibus Viennens., & Tridentini Conciliorum dispositione, promovere libere, & licite possent, in omnibus, & per omnia; prout in aliis Studiorum generalium Universitatibus per Sedem Apostolicam erectis fieri solet, Apostolica auctoritate perpetuo crexerit, & instituerit, ac ipsi Universitati Studii generalis sic erectæ, & institutæ, ejusque Rectoribus, Magistris, Doctoribus, Lectoribus, Scholaribus, Officialibus, & Ministris, aliisque personis quibuscumque pro tempore existentibus, ut omnibus, & singulis privilegiis, indultis, libertatibus, immunitatibus, exemptionibus, facultatibus, prærogativis, honoribus, præminentis, & gratiis, quæ tam per san. mem. Clementem VIII., quam alios quoscumque Romanos Pontifices Prædecessores nostros, tunc suos, Universitati Studii generalis Civitatis nostræ, tunc pariter suæ, Ferrariens., ejusque Rectori, Magistris, Doctoribus, Lectoribus, Scholaribus, Officialibus, & Ministris, aliisque personis respectivè, etiam per viam communicationis, & alias quomodolibet, & qualitercumque concessa, & attributa fuerunt, pari modo, absque ulla prorsus differentia uti, frui, & gaudere libere pariter, & licite valerent, simili auctoritate perpetuo concesserit, ac indulserit, per suas in simili forma Brevis die vi. Aprilis anno 1671. datas literas tenoris sequentis, videlicet.

§. 16. Clemens Papa X. Ad perpetuam rei memoriam. Aeternæ sapientiæ consilio Speculatoris domus Israel, quæ est Sancta Dei Ecclesia, nullo licet meritorum nostrorum suffragio, con-

Epitome sequentis Constitutionis.

Constitutio Clem. X. in qua referuntur erectio studii publici in Palatio Pontificio &

tituti

Item fruendi privilegiis dummodo sint in usu.

1721.
Card. Cybo
Legato f. d. i.
& causa unio-
nis inter il-
lud, & Col-
legium DD.

stituti excitandis, promovendisq; bonarum li-
terarum, & laudabilium disciplinarum studiis,
quæ Catholicæ Fidei, divinique cultus propaga-
tioni, & incremento, ac justitiæ administratio-
ni, aliisque in publicum commodis, magnope-
re conducibilia sunt, & depulsa ignorantie cali-
gine mentes luce veritatis illustrant, peculiarem
Pastoralis muneris nostri sollicitudinem propen-
sa charitate adhibemus, sicut omnibus matura
considerationis trutina perpensis ad Omnipotentis
Dei gloriam, ac ad hujus Sanctæ Sedis Dignitatem,
nostrorumque, & ejusdem Sedis etiam in temporalibus
Subditorum decorem, commodum, & utilitatem salubriter
expedire in Domino arbitramur. Exponi siquidem
Nobis nuper fecerunt dilecti Filii Communitas, &
homines Civitatis Urbinaten. quod cum Collegium
Doctorem ejusdem Civitatis ex antiqua consuetudine
publicam in ea Institutionum Juris civilis lectionem
haberet, ibique Philosophia, & Sacra Theologia a
Fratribus Ordinis Minorum S. Francisci Conventualium
nuncupatorum publice quoque perlegerentur in utilitatem
Studioforum, ut peractis Studiorum curriculum
ad Doctoratus Lauream provehi valerent: Dilectus
Filius noster Alderanus S. R. E. Presbyter Cardinalis
Cybo nuncupatus tunc temporis in illis partibus
Sedis Apostolicæ Legatus probe cognitum, perspectumque
habens, quantum eidem Civitati decoris, atque utilitatis
accedere poterat, si instituto ibidem Studio hujusmodi,
quo Parentes eorum liberos Studiorum causa alibi
sustentandi onere, atque impensa liberabantur,
incrementum, atque norma traderentur, lecturas
præfatas in aliquot mansiones remotas, nec ulli
alii usui applicatas Palatii Pontificii dictæ
Civitatis insimul redegit, aliasque ordinarias
Sacrorum Canonum, & Legum Civilium, ac aliarum
scientiarum, seu facultatum, & præfertim
mathematicarum disciplinarum, quæ in eadem
Civitate ante hac eximie flourerunt, lectiones,
seu Cathedras instituit, ut ibidem tam indigenæ,
quam Exteri, tradita sibi à Domino talenta
docendo exercere valerent, & Juventus ad
ingenuas artes, atque scientias addiscendas,
atque excolendas ardentiori stimulo in-
itaretur, huicque Studio nonnullos paucos
redlitus sub Vexilliferi pro tempore existentis,
& sex Nobilium præfate Civitatis
superintendentia assignavit, ac fel. rec.
Innocentius Papa Decimus Prædecessor
noster, cognita grandis utilitate, quæ
inde resultabat in favorem ejusdem
Studii, quædam bona stabilia,
duorum Conventuum suppressorum
Congregationis Monachorum Cælestino-
rum, & Ordinis Fratrum Servorum
Beatæ Mariæ Virginis respectivo
concessit; Et subinde recol. me.
Alexander Papa Septimus etiam
Prædecessor noster publici pariter
commodi consideratione adductus,
proventum annuum Spheristerii,
qui prius ad existentem pro tempore
in eisdem partibus Sedis præfate
Legatum spectabat, eidem Studio
applicavit. Cum autem, sicut eadem
expositio subjungebat, emolumenta
quidem ex præmissis provenientia
stipendiis, quæ Lectoribus dicti
Studii annuatim præstantur,
sufficiant; si vero Studium hujus-
modi in Universitatem Studii
generalis cum privilegiis, & indultis
ad instar illorum, quæ a præ mem.
Clemente Papa Octavo Prædecessore
pariter nostro Universitati Studii
generalis Civitatis nostræ, tunc
suz, Ferrariensis concessa fuerunt,
erigeretur, & institueretur, inde
numerus Studioforum tam
Provincialium, quam Exterorum
ibidem excreceret, & non solum
dictæ Civitatis Urbinaten-
sis, quæ a mari remota commercio
non admodum floret, sed victualibus
abundat, & quieti, quam literarum
studia desiderant, colendæ
peropportuna existit, decori, &
ornamento, sed etiam illius civium,
& incolarum

compendio, utilitati, & levamento magnopere
consuleretur. Cumque dicti Exponentes hujus-
modi erectionis, & institutionis gratia procura-
verint, ut idem Studium, ac memoratum
Doctorem Collegium, quod antehac à dicto
Studio divisum fuit, & (ut asseritur)
vigore quarundam similis rec. Pii
Papæ IV. etiam Prædecessoris nostri
literarum per similis memoriæ
Urbanum Papam Octavum Prædecessorem
pariter nostrum confirmatarum
facultate conferendi lauream
doctoralem in quibuscumque
facultatibus, ac creandi Equites,
& legitimandi Spuriis frui-
tur; nec non ex privilegio per
piæ pariter memoriæ Julium
Papam Secundum, & dictum
Pium Prædecessores concessa
de causis appellationum in
secunda, & tertia instantia
tam civilibus, quam criminalibus,
Ecclesiasticis, & prophanis
in illo Statu, & Provincia
cognoscit, firma, stabilique
unione inter se conjungerentur;
Nobis propterea ipsi Exponentes
humiliter supplicari fecerunt,
ut sibi in præmissis, opportune
providere, & ut infra, indulgere
de benignitate Apostolica
dignaremur. Nos igitur ad
constantis fidei, & sinceræ
devotionis affectum, quem
dicti Exponentes erga Nos,
& Sedem præfatam gerere
comprobantur, paternæ
dirigentes considerationis
intuitum, eorumque votis
in præmissis, quantum eum
Domino possumus, favorabiliter
annuere cupientes, & eorum
singulares personas a quibusvis
excommunicationis, suspensionis,
& interdicti, aliisque
Ecclesiasticis sententiis,
censuris, & pœnis a jure, vel
ab homine quavis occasione,
vel causa latis, si quibus
quomodolibet innodatas
existunt, ad effectum
præsentium dumtaxat
consequen. harum serie
absolventes, & absolutas
fore censentes, hujusmodi
supplicationibus inclinati
de nonnullorum dilectorum
filiorum Romanæ Curie
Prælatorum super hoc
negotio à similis rec. me.
Clemente Papa IX. Prædecessore
pariter nostro deputatorum
consilio, in præfata Civitate
Urbinaten. ex Collegio
Doctorem, & Studio hujus-
modi, sicut præmittitur,
inter se unitis, & conjunctis,
nam Universitatem Studii
generalis, in qua Sacra
Theologia, Jus Canonicum,
& Leges Civiles, philosophia,
mathematicæ, aliæque
ingenue disciplinæ, scientiæ,
& artes publice doceantur,
& prælegantur, & qui
peracto studiorum
curriculo habiles, & idonei
reperi fuerint, ad
Bacchalaureatus etiam
formati, ac Magisterii
& Doctoratus, aliosque
gradus scholasticos, servata
tamen in omnibus forma,
& dispositione Viennæ,
& Tridentini Conciliorum,
quibus in aliquo derogare
non intendimus, promovendi
libere, & licite possint,
& valeant in omnibus,
& per omnia, prout in
aliis Studiorum generalium
Universitatibus per Sedem
Apostolicam præfatam
erectis fieri solet, auctoritate
Apostolica tenore
præsentium, sine alicujus
præjudicio, perpetuo
erigimus, & institimus,
ac ipsi Universitati
Studii generalis sic
erectæ, & institutæ,
ejusque Rectoribus,
Magistris, Doctoribus,
Lectoribus, & Scholaribus,
Officialibus, & Ministris,
aliisque Personis quibuscumque
pro tempore existen. ut
omnibus, & singulis
privilegiis, indultis,
libertatibus, immunitatibus,
exemptionibus, facultatibus,
favoribus, honoribus,
prærogativis, præminentis
& gratiis quibuscumque,
quæ tam per præfatum
Clementem VIII. quam
alios quoscumque Romanos
Pontifices Prædecessores
nostros præfate
Universitati Studii
generalis Ferrariensis
ejusque Rectori,
Magistris, Doctoribus,
Lectoribus, Scholaribus,
Officialibus, & Ministris,
aliisque personis
respectivo etiam per
viam communicationis,
& alias quomodolibet,
& qualitercumque
concessa, & attributa
fuerunt, pari modo,
& absque ulla
profus differencia
uti, frui, & gaudere
libere pariter, & licite
valeant, sine

Hinc ex utroque a Pontifice erigitur Universitas Generalis, cui conceduntur privilegia Universitatis Ferrariensis.

ullo tamen præjudicio exactionum Cameralium, circa quas nihil innovatum sit, auctoritate, & tenore præfatis itidem perpetuo concedimus, & indulgemus. Decernentes easdem præfatas litteras semper firmas, validas, & efficaces existere, & fore, suosque plenarios, & integros effectus sortiri, & obtinere, nec sub quibusvis similibus, vel dissimilibus erectionum, & gratiarum revocationibus, suspensionibus, limitationibus, aliisque contrariis dispositionibus, etiam per Nos, & Successores nostros Romanos Pontifices, ac Sedem præfatham quodcumque faciendis unquam comprehendi, aut comprehensas censerent, sed semper ab illis exceptas, & quoties illæ emanaverint, toties in pristinum, & validissimum statum restitutas, & plenarie reintegratas, ac etiam sub posteriore data per eos, ad quos pro tempore spectabit, eligenda de novo concessa intelligi, ac ab illis, ad quos spectat, & pro tempore spectabit, inviolabiliter observari, & illis respective in omnibus, & per omnia plenissime suffragari: sicque, & non aliter in præmissis per quoscumque Judices Ordinarios, & Delegatos, etiam causarum Palatii Apostolici Auditores, ac S. R. E. præfata Cardinales etiam de Latere Legatos, aliosque quoslibet quacumque præminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiti debere, ac irritum, & inane, si secus super iis a quoquam quavis auctoritate scienter, vel ignoranter contigerit attentari. Non obstantibus Apostolicis, & in universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon, quatenus opus sit, dicte Civitatis Urbinate, aliisque quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis quibuscumque personis, & locis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis in genere, vel in specie in contrarium præmissorum quomodolibet concessis, confirmatis, & innovatis. Quibus omnibus, & singulis etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata exprimerentur, & infererentur, præsentibus pro plene, & sufficienter expressis, & insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque. Datum Romæ apud Sanctam Mariam Majorem sub annulo Piscatoris die VI. Aprilis MDCLXXI. Pontificatus Nostri Anno Primo.

§. 17. Nos igitur attendentes firmiora esse ea, quibus Sedes prædicta sæpius intercedit auctoritas, ac Universitatem Studii generalis, & Collegium Doctorum præmemorata specialibus favoribus, & gratiis prosequi, & ornare volentes, motu proprio, non ad cuiusquam Nobis super hoc oblata petitionis instantiam, sed ex mera liberalitate, certa scientia, ac matura deliberatione nostris, deque Apostolica Potestatis plenitudine, præfatas Julii II., Pii IV., Urbani VIII., & Clementis X. Romanorum Pontificum Prædecessorum nostrorum litteras, omniaque, & singula in eis contenta tenore præ-

sentium auctoritate Apostolica confirmamus, & approbamus, illisque inviolabilis, ac irrefragabilis Apostolicæ firmitatis robur, & munimen adjicimus; quinimo motu, scientia, deliberatione, ac potestatis plenitudine similibus omnia, & singula in eisdem literis contenta denuo statuimus, sancimus, & ordinamus, ac ab omnibus & quibuscumque etiam speciali, ac individua nota dignis, ad quos spectat, & spectabit in futurum, exacte, inconculse, ac inviolabiliter perpetuo observari volumus, decernimus, & mandamus.

§. 18. Præterea ad tollendas controversias pluries obortas, & in Romana Curia agitatas circa interpretationem prædictarum literarum Urbani VIII. Prædecessoris, in quibus decernitur, quod in causis appellationum tam Ecclesiasticis, quam Laicalibus, ad memoratum Collegium spectantibus appellari non possit, *omisso medio*, & si appellari contigerit, nullus Judex se ingerere debeat, nisi in vim specialis commissionis Romani Pontificis pro tempore existentis manu signatæ; declaramus, & Apostolica auctoritate, quatenus opus sit, denuo sancimus, decernimus, ac ordinamus, omnes, & quascumque causas appellationum interpositarum a sententiis, seu decretis latis a quibuscumque Judicibus tam Ecclesiasticis, quam Laicalibus omnium, & quarumcumque Civitatum, Terrarum, & locorum Ducatus, & Legationis Urbinate, (exceptis tamen beneficialibus, ac iis, quæ juxta Tridentini Concilii dispositionem vel alias de jure sunt inappellabiles, ac iis insuper exceptis, quæ prius in Curia Archiepiscopali Urbinate, vel ab aliis Judicibus ordinariis appellationum in locis, ubi existunt, ut præfertur, judicandæ erunt) in secundis, seu tertiis instantiis omnino devolvi debere ad prædictum Collegium Doctorum; inhiabentes, ac stricte interdicens, ne *hoc omisso medio* appellari possit ad pro tempore existentem Urbini Legatum, seu Vicelegatum, nec etiam ad Auditoris Camere nostræ Apostolicæ, vel quodcumque aliud quantumlibet privilegiatum, ac speciali mentione dignum Romanæ Curie Tribunal, aut Judicem, & si appellari contigerit, nullus Judex in ejusmodi causis se ingerere possit, nisi vigore specialis commissionis, quæ nostra, vel Romani Pontificis pro tempore existentis manu signata fuerit; Quod si absque hujusmodi commissione se ingerere præsumperit, omnia ab eo gesta, & decreta, attentata, nulla, ac irrita sint eo ipso; quin etiam eidem Collegio, ut quacumque inhibitione non obstante, & absque alicujus pœnæ incurso, ad ulteriora in similibus causis procedere, ac ubi opus fuerit, inhiabere, easque a quocumque Judice, & Tribunali reassumere, cognoscere, & prout juris esse censuerit, sine debito terminare libere, ac licite possit, & valeat, simili auctoritate tenore præsentium perpetuo concedimus, ac indulgemus.

§. 19. Ad hæc aliam similiter controversiam non semel excitatam, an oppida, & loca, quæ dum fel. pariter rec. Sixtus V. Prædecessor noster Tribunal Audientie Casuarum Provinciae Marchie, Rotam nuncupatam, in Civitate nostra, tunc sua, Macerateni per litteras anno millesimo quingentesimo octogesimo octavo Idibus Martii sub plumbo expeditas, instituit, ac erexit, Ducatu Urbini subjecta erant, sub eorum litterarum dispositione comprehenderentur, e medio tollere, ac penitus dirimere cupientes, & declarationibus alias, ac nuper, nempe diebus 23. Septembris, & 7. Octobris anno millesimo septingentesimo duodecimo per Dilectum Filium nostrum Petrum Marcellinum Tit. Sancti Joannis ante Portam Latinam Presbyterum S. R. E. Cardinalem Corradinum nuncupatum tunc Pro-Auditorem nostrum, factis inhiabentes,

Declaratio
1. In causis
ad Colle-
gium spe-
ctantibus ap-
pellari non
posse *hoc
omisso medio*.

Declaratio
2. Loca, quæ
Ducatu Ur-
bini subjecta
erant, dum a
Sixto V. Ro-
ta Maceraten-
erecta fuit
sub ejusdem
dispositione
non compre-
hendi.

Confirmatio
relatarum
Constitutio-
num.

Civitates, Oppida, & Loca omnia, quæ Ducatui Urbini tempore, quo præfata Sixti Prædecessoris literæ emanarunt, subiecta erant, sub eorumdem literarum dispositione non comprehendendi, nec ullo modo comprehensa censerent; ac ita a quibuscumque Judicibus perpetuo judicari, ac definiti debere, statuimus, decernimus, & declaramus.

Declaratio
omnes subditos non alibi quam in Universitate Urbinate. posse Lauream Doctoralem accipere.

§. 20. Demum, cum sicut accepimus, tametsi pluribus Edictis, quorum primum a præfato Guidobaldo secundo Urbini Duce die 17. mensis Augusti anno 1565, alia vero recentiora a diversis ejusdem Civitatis pro tempore Legatis, & Vice-Legatis promulgata fuerunt, salubriter cautum, ac expresse vetitum fuerit, ne Subditi ejusdem Ducatus, & Legationis alibi, quam in memorato Urbinatenfi Doctorum Collegio Lauream, & Gradum Doctoratus accipiant, & qui fecus fecerint, ab omnibus, & quibuscumque publicis in ea Provincia muneribus, ac officiis excludantur, nec ibidem Doctoris professionem exercere unquam possint; Nihilominus ejusmodi Edictorum dispositione posthabita, quamplures Subditi ad publica munera, & Doctoratus exercitium ibidem passim admittantur, licet Doctoratus insignia in prædicto Collegio minime susceperint; Nos proinde eorumdem Edictorum executioni, ac ipsius Collegii decori, utilitati, & incremento, quantum cum Domino possumus, opportune consulere cupientes, quemadmodum illustre cæteris omnibus exemplum præbere curavimus, dum antea actis annis duos ex germano Fratre secundum carnem Nepotes nostros, nimirum Dilectum Filium nostrum Annibalem, modo S. Marie in Cosmedin Diaconum S. R. E. Cardinalem, & Camerarium Albanum nuncupatum, & Dilectum pariter Filium Magistrum Alexandrum Albanum in utraque Signatura nostra nunc Referendarium, & Cameræ nostræ Apostolicæ Clericum, quamvis literarum studiis in hac Alma Urbe nostra operam navassent, non alibi tamen, quam Urbini in præfato Collegio eos Doctoratus laurea insigniri voluimus; ita nunc tenore præsentium Apostolica autoritate decernimus, præcipimus, & mandamus, ut in posterum, atque perpetuis futuris temporibus Subditi prædictæ Legationis, qui peracto studio-rum curriculo, Doctorali Laurea ornari voluerint, eam in memorato Collegio omnino recipere teneantur, & qui alibi ipsam receperint, ad exercenda publice munera, & Officia, atque etiam ad gerendum quarumvis causarum in quocumque foro patrocinium in omnibus ejusdem Legationis locis prorsus inhabiles, & incapaces sint, ac esse intelligantur, nec illos a quoquam ad id, præterquam a Nobis, & a Romano Pontifice pro tempore existente habilitari, neque cum ipsis super hujusmodi defectu dispensari unquam posse motu, scientia, deliberatione, ac potestatis plenitudine similibus statuimus, decernimus, & declaramus.

Clausula amplissima.

§. 21. Decernentes pariter easdem præsententes literas, & in eis contenta quæcumque etiam ex eo, quod interesse in præmissis habentes, etiam habere quomodolibet prætendentes, cujusvis status, gradus, ordinis, & dignitatis existant, illis non consenserint, nec ad ea vocati, citati, & auditi, causæque, propter quas præsententes emanarint, sufficienter adductæ, verificatæ, & iustificatæ non fuerint, aut ex alia qualibet etiam quantumvis juridica, & privilegiata causa, colore, prætextu, & capite, etiam in corpore juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vi-

tu, seu intentionis nostræ, vel interesse habentium consensus, aliove quolibet, etiam quantumvis magno, & substantiali, ac inexcogitato, & inexcogitabili, individuumque expressionem requirente defectu notari, impugnari, infringi, invalidari, retractari, in controversiam vocari, aut ad terminos juris reduci, seu adversus illas aperiitionis oris, restitutionis in integrum, aliudve quodcumque juris, facti, vel gratiæ remedium intentari, vel impetrari, aut impetrato, seu etiam motu, scientia, & potestatis plenitudine paribus concessio, vel emanato quempiam in judicio, vel extra illud uti, seu se jurare ullo modo posse, sed ipsas præsententes literas semper firmas, validas, & efficaces existere, ac fore, suisque plenarias, & integros effectus fortiri, & obtinere debere, ac illis, ad quos spectat, & pro tempore quodcumque, & quomodocumque spectabit, in omnibus, & per omnia plenissime suffragari, & ab iis respectively inviolabiliter observari; Sicque, & non aliter in præmissis, per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. Cardinales, etiam de latere Legatos, & Sedis Apostolicæ Nuncios, aliosve quoslibet quæcumque autoritate, præeminentia, aut potestate fungentes, & functiones, sublata eis, & eorum cuilibet quavis aliter judicandi, & interpretandi facultate, & autoritate judicari, & definiti debere; ac irritum, & inane, si secus super his a quoquam quavis autoritate scienter, vel ignoranter contigerit attentari.

§. 22. Non obstantibus, quatenus opus sit, nostra, & Cancellariæ Apostolicæ regula de jure quæsito non tollendo, & quibuscumque Apostolicis, ac in univertalibus, Provincialibusque Conciliis editis, & edendis specialibus, vel generalibus Constitutionibus, & ordinationibus, quibus omnibus, & singulis quoad ea, quæ præsentibus adversantur, etiam pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores præsentibus pro plene, & sufficienter expressis, ac insertis habentes, illis alias in suo robore permanentibus, ad præmissorum effectum specialiter, & expresse, ac latissime derogamus, & derogatum esse volumus, cæterisque contrariis quibuscumque.

§. 23. Cæterum volumus, quod eorumdem præsentium literarum transumptis, seu exemplis etiam impressis manu alicujus Notarii publici subscriptis, & sigillo Personæ in Ecclesiastica Dignitate constitutæ munitis eadem prorsus fides tam in judicio, quam extra illud ubique adhibeatur, quæ eisdem præsentibus adhiberetur, si forent exhibitæ, vel ostensæ.

§. 24. Nulli ergo omnino hominum liceat hanc paginam nostrarum Confirmationis, approbationis, declarationis, mandati, ordinationis, voluntatis, & derogationis infringere, vel ei ausu temerario contraire; Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud Sanctam Mariam Majorem Anno Incarnationis Dominicæ millesimo septingentesimo vigesimo primo, Decimoquarto Kal. Aprilis Pontificatus nostri Anno Vigesimo Primo.

Derogatio amplissima quibuscumque contrariis.

Fides habenda transumptis.

Sanctio poenalis.

Finis Pontificatus Clementis XI.

INDEX